



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

51. Cum Nos super &c. Statutum, quod de cætero Procurator Generalis
Provinciarum Reformatarum Ordinis Fratrum Minorum Sancti Francisci de
Observantia & Reformatorum, seu strictioris Observantiæ, ...

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Demerentium, aut morientium Cedula assignetur aliis ab alteratione numeri annui

nominatis, cum nimirum eas in Religione, vel Matrimonio, juxta earum vocationem collocari contigerit, tradantur.

§. 7. Ita tamen ut si quæ ex illis, quæ sic electæ, seu nominatæ fuerint, bonum sui specimen præbere non perrexerint, qua in rememoratæ Congregationis Deputatorum Judicio omnino standum erit, illæ à commodo, & beneficio eorumdem subsidiorum dotalium sibi assignatorum cadant, nec illa, seu illorum Cedula petere, consequi, & obtinere valeant, sed subsidia eis assignata, seu illorum Cedula hujusmodi, quemadmodum etiam illa, quæ ob Puellarum, quibus assignata erant, mortem ante earum Matrimonium vel Monachatum respectivè secutam, sive ob aliam rationem effectum suum sortita non fuerint, aliis Puellis ejusdem Conservatorii per eosdem Deputatos pariformiter eligendis, seu nominandis assignentur, nec ista in eorum numero, quæ Puellis præfatis, sicut præmittitur, quotannis assignari debent, nullatenus computari, sed novæ Cedula illorum promissoria à supradictis Archiconfratritarum, & Confraternitatum præfatarum Administratibus, Officialibus, seu Ministris ad favorem aliarum Puellarum per eosdem Deputatos, sicut præmittitur, subrogandarum, seu nominandarum fieri, iisdem Deputatis, modo, & forma supradictis, consignari debeant.

Puellæ eximuntur à functionibus publicis.

§. 8. Cæterum quæcumque Conservatorii hujusmodi Puellæ, quæ ad subsidia dotalia præfata, sicut præmittitur, admittantur, seu nominatæ fuerint, Processionibus, aliisve publicis functionibus in distributione eorumdem subsidiorum dotalium, aut illorum occasione fieri solitis, interesse minime teneantur, sed intra idem Conservatorium Sanctissimum Eucharistiæ Sacramentum sumere, aliæve pia opera, sive à dictarum Archiconfraternitatum, & Confraternitatum statutis, sive à quorumvis Testatorum, & piorum largitorum, qui eadem subsidia præfata ordinaverunt, dispositionibus injuncta adimplere possint, & debeant.

Subsidia solvantur liberè sequito matrimonio, vel professione.

§. 9. Eisdem verò Puellis statim ac Matrimonio contraxerint, quod quidem Parochi attestatione à duobus ex Deputatis prædictis subscripta probari sufficiat, vel in aliquo Monialium Monasterio professionem regularem per ipsas Moniales emitti solitam expressè emisserint, subsidia dotalia eis, sicut præmittitur, assignata liberè, & promptè nullaque interposita mora, ac absque ulla cautione perolvantur; singulas demum Puellas prædictas ad plura, quam duo ex decem subsidii dotalibus supradictis per memoratos Conservatorii hujusmodi Deputatos nequaquam admitti, seu nominari posse, harum serie decernimus, & ordinamus.

Decreta roborantia cum clausula sublati.

§. 10. Decernentes pariter easdem præfatas litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac dictis Puellis in omnibus & per omnia plenissimè suffragari, & ab illis, ad quos spectat, & pro tempore quodcumque spectabit, inviolabiliter observari; Sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores, judicari, & definituri debere; Ac irritum, & inane si secus super his à quoquam quavis auctoritate scienter vel ignoranter contigerit attentari.

Derogationes etiam ultimarum voluntatum.

§. 11. Non obstantibus præmissis, ac memoratæ Bernardinæ, aliorumque Testatorum, & piorum largitorum præfatarum, etiam ultimis voluntatibus, & dispositionibus, quas propter præmissa sufficienter, & expressè commutamus, ac Constitutionibus, & Ordinationibus Apostolicis, necnon dictarum Archiconfraternitatum, & Confraternitatum, aliisque quibuscunque, etiam juramento, confirmatione Apostolica, aut quavis firmitate alia roboratis statutis, usibus, styli, & consuetudinibus; Privilegiis quoque, Indultis, & litteris Apostolicis in contrarium præmissorum quomodolibet con-

cessis, confirmatis, & innovatis. Quibus omnibus, & singulis, illorum tenores præsentibus plenè, & sufficienter expressis, ac de verbo ad verbum insertis habentes, illis aliis in suo robore permanfuris, ad præmissorum effectum hac vice duntaxat specialiter, & expressè derogamus, cæterisque contrariis quibuscunque.

§. 12. Volumus autem, ut earundem præsentium litterarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides in Judicio, & extrà illud habeatur, quæ ipsis præsentibus haberetur, si forent exhibite, vel ostensæ.

§. 13. Cæterum non intendimus per ipsas præfatas litteras supradictum Conservatorium in aliquo approbare. Dat. Romæ apud S. Mariam Majorem sub Annulo Piscatoris die 6. Martii 1694. Pontificatus Nostri Anno Tertio.

J. F. Card. Albanus.

Statutum, quod de cætero Procurator Generalis Provinciarum Reformatarum Ordinis Fratrum Minorum Sancti Francisci de Observantia, & Reformatorum, seu Strictioris Observantiae nuncupatorum in Capitulo Generali ejusdem Ordinis de sexennio in sexennium eligatur.

INNOCENTIUS PAPA XII.

Ad perpetuam rei memoriam.

§. 1. CUM Nos nuper per Nostram super moderatione facultatum quorumvis, etiam Sanctæ Romanæ Ecclesiæ Cardinalium Ordinum Regularium quorumlibet apud Nos, & Sedem Apostolicam Protectorum, editam Constitutionem, inter alia quæcumque eisdem Protectoribus nonnullos Ordinum hujusmodi Superiores, seu Ministros deputandi attributam potestatem sustulerimus, & abrogaverimus, Superiorumque, seu Ministrorum hujusmodi electionis ad Sacrorum Canonum, seu Regularium eorumdem Ordinum Institutuum limites, seu alias ad modum, & formam in Comitibus Generalibus ipsorum Ordinum, seu per Nos, & Sedem prædictam respectivè statuendam reduxerimus, & reductam esse voluerimus, & mandaverimus.

Continuatio ad Constitutionem moderatorem facultatum Protectorum Ordinum Regularium.

§. 2. Ac proinde quæcumque antè hac pro tempore existentis Ordinis Fratrum Minorum Sancti Francisci de Observantia, & Reformatorum, seu Strictioris Observantiae nuncupatorum apud eandem Sedem Protectori Procuratorem Generalem Provinciarum Reformatarum dicti Ordinis in Romana Curia residentem de triennio in triennium deputandi, sive quarundam Apostolicarum litterarum vigore, sive alias quomodolibet competens facultas sublata, & abrogata remanserit.

Sublata Protectori facultate qua fruebatur deputandi Procuratorem Generalem Reformatarum.

§. 3. Hinc est, quòd Nos, ut Procuratoris Generalis hujusmodi electio rectè, & canonicè in posterum fiat, quantum cum Domino possumus, providere volentes, motu proprio, ac ex certa scientia, & matura deliberatione Nostri, deque Apostolicæ potestatis plenitudine, ut Procurator Generalis supradictus, qui de triennio in triennium ab eodem Protectore, sicut præmittitur, deputari hætenus consuevit, deinceps de sexennio in sexennium in Capitulo Generali ejusdem Ordinis eligatur, in ejusque electione votum, sive suffragium Fratres Vocales earundem Provinciarum Reformatarum Familiae Cismontanæ dicti Ordinis tantum ibidem unà cum Ministro Generali pro tempore existente Ordinis supradicti insimul congregari habeant, & ferant, ac habere, & ferre liberè, & licitè possint, & valeant, tenore præsentium perpetuò statuimus, & ordinamus.

Nunciantur Procuratorem Generale constitui per electionem fratrum, & per sexennium.

1694.
Occurren-
te vacatio-
ne intra se-
xennium
recurren-
dum ad S.
Sedem.

Duratio
moderni
Procura-
toris, re-
stringitur
usque ad
primum
Capitu-
lum Gene-
rale.

Illi tamen
decernun-
tur prae-
rogativae
aeque ac si
perdurat-
set per to-
tum tem-
pus.

Declaratur
privile-
gium hoc
non perso-
nale sed
propter
merita.

Decreta
roborantia
cum clau-
sula sub-
lata.

§. 4. Quod si Procuratoris Generalis sic electi Officiantem expletum sexennium per cessum, vel decessum illud pro tempore obtinentis, seu alias quomodolibet vacare contigerit, ad Nos, seu pro tempore existentem Romanum Pontificem pro opportuna desuper provisione obtinenda recuratur.

§. 5. Porro ut ad Procuratoris Generalis hujusmodi electionem juxta eandem tenorem praesentium faciendam quanto citius, nempe in Capitulo Generali dicti Ordinis propediem, benedicente Domino, in Hispaniis celebrando deveniri possit, Officium praefatum, quo dilectus Filius Petrus Paulus de Cellis Frater, expressè professus Provinciae Tusciae ejusdem Ordinis de praesenti fungitur, tametsi illud vigore Litterarum Patentium ei à Vener. Fratre Nostro Alderano Episcopo Ostiensi ejusdem S. R. E. Cardinali Cybo nuncupato Ordinis hujusmodi apud Nos, & Sedem praedictam Protectore desuper expediturum diutius durare deberet, usque ad proximè futurum Capitulum Generale supradictum dumtaxat durare debeat.

§. 6. Caeterum ipsi Petro Paulo Procuratori Generali, quem munus suum fideliter haecenus, & laudabiliter exercuisse accepimus, ut vobis, seu suffragium in eodem proximè futuro Capitulo Generali habere, & ferre, necnon omnibus & singulis privilegiis, gratis, & indultis, quibus Fratres dicti Ordinis, qui integri triennii spatio Procuratoris Generalis hujusmodi munere in Curia praefata functi fuerunt, tam de jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum, parimodo, & absque ulla prorsus differentia, uti, frui, & gaudere, libere pariter, & licite possit, & valeat, in omnibus, & per omnia, perinde ac si munere hujusmodi per integrum triennium functus fuisset, harum serie concedimus, & indulgemus.

§. 7. Praeterea privilegia, praerogativas, gratias, & indulta hujusmodi eidem Petro Paulo Procuratori Generali, non ex gratia, vel favore, aut privilegio personali, sed intuitu realium laborum, & tanquam iustum praemium ei debitum concessa fuisset, & de jure competere, nec in fel. record. Urbani Octavi, & Clementis X., aliorumve Romanorum Pontificum Praedecessorum Nostrorum Litteris, vel Decretis super revocatione, & abrogatione, five annulatione quorumcumque privilegiorum, & indultorum personalium Fratrum dicti Ordinis contra, vel praeter Constitutiones, seu Statuta ipsius Ordinis concessorum, vel concedendorum haecenus emanatis, & quandocumque emanaturis, ullo modo comprehensa fuisse, vel esse, aut fore, seu comprehensa censeri, praetendi, vel intelligi, neque ejusmodi revocationes, abrogationes, & annulationes illi ullatenus obstat, aut eum illarum occasione, seu praetextu quomodolibet molestari, per turbari, vel inquietari posse, earundem tenore praesentium decernimus, & declaramus.

§. 8. Decementes pariter easdem praesentes Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, in omnibus, & per omnia plenissime suffragari, & ab eis respectivè inviolabiliter, & inconcussè observari, & adimpleri, Sicque, & non aliter in praemissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. praefatos Cardinales, etiam de Latere Legatos, & Apostolicæ Sedis Nuncios, & alios quoslibet, quacumque praeminentia, & potestate fungentes & functuros; Sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere; Ac irritum, & inane, si secus super his à quocumque quavis auctoritate, scienter vel ignotanter, contingerit attentari.

§. 9. Non obstantibus praemissis, ac quatenus opus sit, Nostrâ, & Cancellariæ Apostolicæ Regulâ de jure quaesito non tollendo, aliisque Constitutionibus, & Ordinationibus Apostolicis, necnon Provinciarum, & Ordinis praefatorum, aliisque quibuscumque, etiam juramento, confirmatione Apostolica, vel quavis firmitate alia roboratis Statutis, & Consuetudinibus, etiam immemorabilibus; Privilegiis quoque, Indultis, & Litteris Apostolicis sub quibuscumque verborum tenoribus, & formis, ac cum quibuscumque, etiam derogationum derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam motu, scientia, & potestatis plenitudine paribus, in genere, vel in specie, seu aliis quomodolibet in contrarium praemissorum concessis, confirmatis, & innovatis. Quibus omnibus, & singulis, etiam si, pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, formas, causas, & occasiones praesentibus pro plenè, & sufficienter expressis, insertis, servatis, & specificatis respectivè habentes, illis alias in suo robore permanentibus, ad praemissorum effectum hac vice dumtaxat specialiter, & expressè derogamus, & derogatum esse volumus, caeterisque contrariis quibuscumque.

§. 10. Volumus autem, ut earundem praesentium Litterarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides in iudicio, & extra illud habeatur, quæ ipsis praesentibus haberetur, si forent exhibitæ, vel ostensæ. Datum Romæ apud Sanctam Mariam Majorem sub Anulo Piscatoris die 7. Aprilis 1694. Pontificatus Nostri Anno Tertio.

J. F. Card. Albanus,

Statutum, quod de caetero Procurator Generalis, & Commissarius Generalis Curiae Romanae Ordinis Fratrum Minorum Sancti Francisci de Observantia nuncupatorum in Capitulo Generali ejusdem Ordinis de sexennio in sexennium eligatur.

INNOCENTIUS PAPA XII.

Ad perpetuam rei memoriam.

Sacro sancti Apostolatus sollicitudo, quam, meritis licet, & viribus longè impares, auctoritate Deo, gerimus, Nos stimulat ad ea peculiari studio statuenda per quæ prospero Christi fidelium divinis obsequiis sub suavis Religionis jugo mancipatorum statui, ac regimini opportunis rationibus consulatur.

§. 1. Cum itaque Nos nuper alias nostras in simili forma Brevis litteras, ut Procurator Generalis Provinciarum Reformatarum Ordinis Fratrum Minorum Sancti Francisci de Observantia, & Reformatorum, seu Strictioris Observantiae nuncupatorum, qui antehac de triennio in triennium à pro tempore existente Ordinis hujusmodi apud Sedem Apostol. Protectore deputabatur, deinceps de sexennio in sexennium in Capitulo Generali ejusdem Ordinis eligatur, in ejusque electione votum, sive suffragiū Fratres Vocales earundem Provinciarum Reformat. Familiae Cismontanae dicti Ordinis tantum ibidem u-

1694.
Deroga-
tiones.

Fides
translum-
ptorum.

Dat. 7.
Apr. 1694.
P. A. 3.

LII,

Exordium
conver-
tendo cum
antecedē-
ti Consti-
tutione.